

DEO OPTIMO MAX.
UNI ET TRINO,
VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA *
QUOD LIBETARIIS DISPUTATIONIBUS

manè discutienda in Scholis Medicorum, die Jovis decimâ octavâ mensis Martii, anno Domini M. DCC. LXXXIV.

M. JOANNE DESCOMET, Censore Regio, Doctore Medico,
Præfide.

An in abscessu Mediastini, celebranda Sterni tetebratio ?

I.

ETSI dexteritate forsitan & scientiâ, in arte Chirurgicâ, veteribus præsent neoterici; quibus tamen prima sit concedenda, adhuc sub iudice lis est. Omnes eundem modum non adhibuere, eundem tamen scopum omnes attingere, totique in restituendâ sanitatem humanâ acubuere. Præcis instituti observationibus, atque thesauris ditati coevi nostri, nova, magno generis humani solamine, invenerunt, inventaque dexterâ manu præstitant. Ani fistulas sanant. Lacrimales ductus Cathetere peragunt. Missas facio varias operationes de calculo educendo ignotas olim, quas addidit posteritas non fraudanda laude. Verum si posterorum sua, sua etiam est veterum gloria. Hi viam captantes terentesque, plura ex nihilo depromserunt, plurima ex tenebris eripuerunt, eorumque summopere probanda diligentia, qui nihil intentatum, nihil inexpertum reliquere, omnia elaborata & summo jure æstimata litteris consignarunt; quibus hæreditario jure potimur, & perfrui nobis datum est. Nonnulla tamen inculta & absoleta jacent. Quædam viribus nostris esse superiora fatetur & erubescit ætas nostra. Incuriâne aut ignorantia? Judex esto. Proh fatum! Cum tempore alterantur omnia, mutantur, labuntur, avolant, resque eundo pereunt. Nomine nunc noscitur partus Cæsaræus. Exulat nephrotomia RIOLANI seculis cum successu celebrata. Et quid commemorem varias antiquorum operationes effatu dignas? Varias in curandis Thoracis morbis methodos? In fistulis costarum avulsionem? Harum in Hydrope perforationem? Quibus jungas Sterni terebrationem, cujus celebrationem præcipimus ut æger ex præcipiti levetur, abscessusque mediastini curetur. Ecquis unicum & quolibet periculo destitutum rejiciat remedium.

I I.

QUOTIES pus intra Mediastini duplicaturam intercipitur, ejusdem membranz abscessus adest. Hic longè frequentior quam vulgo censetur, licet præsens sæpè ignoretur, aut alterius morbi titulo tractetur. Ut causam arguit inflamma-

* *Auctore M. Roberto-Huberto LINGUET, anni 1742.*

tionem vel propriam vel à Plevrà aut Pulmone mutuam, quæ si artis ope vel naturâ ad solutionem minimè vergat, necessario locum dat suppurationi. Tunc adest morbus omnimodè sæviens, hostis insensibilissimus, diversis insidians modis, adeoque magis metuendus. Hunc multiformem rectè dixeris. Nunc enim ut Hydropis, angit, strangulat. Nunc empiematis personam agens, suffocat. Larvâ nunc plevresis indutâ, duro, acuto, punctorio afficit dolore. Quin & ipsam cordis palpitacionem quandoque mentitur. Non mirum igitur si tories luserit Medicos. In ipsius diagnosi tota manet difficultas Nodum solverit qui ab aliis secreverit, aut secernendi vias tradiderit. Omnibus fermè internarum suppurationum comitatur tymptomatious. Viget in hoc febris lenta, sicca tussicula, perpetuâ corporis macie conficitur, pallore, Hippocraticâ donatur, cavis dedecoratur oculis. Non minoris sunt ponderis signa propria. Ad Diaphragma sentitur gravitas, ipsius elevandi impedimentum, Pulmonum expansionis obstaculum. Anhelosus, difficilis, suffocans, erecta respiratio. Quamlibet in partem decubitus impossibilis, in anteriorem tolerabilior. Nocturnus & frequens sudor. Puris intercepti motus, strepitus auditur. Doloze acuto, duro, punctorio quandoque, ipso inspirationis momento graviore, juxta Mediastini in Sterno directionem, afficitur ager, torquetur, dilaceratur. Hæc cum adsunt abscessus Mediastini suspicandus venit. Nec dubites amplius si precesserit Plevresis aut Peripneumonia minimè soluta, Curationem quæris? Indicat apagium illud, si quid corpori heterogeneum noceat, evacuetur. Nec moram neccas. Citius numquam operaberis. Vix noscitur cum labefactus Pulmo, erosus membranis, suis functionibus omnino defraudatur.

III.

COGNITA morbi naturâ medenti nihil superest, quam ut causam & effectus quoslibet præsentès debellet & prosliget, præcaveat futuros & amoveat. Rebus in Chirurgicis naturæ ne ctedas nimium, fortunæ nequaquam. Malè affecta pars vicinas inficit, hæc depascitur alias, sicque in pejus res ruunt. Abscessus Mediastini opportunè curatus ad sanationem exit; sibi relictus, nihil nisi funestum, horrendum & lethale procreat. Sanguis suppuratus, copiâ pravâ dote, acrimoniâ acore in dies ingravescens vicina lædit, corrodit. Hinc Plevræ Diaphragmati adnatæ, ipsiusque septi medii erosio metuenda, morbus dirus Paraphrenitide nuncupatus. Hinc Mediastini dilaceratio, in cavum Thoracis, puris eructatio, undè tabes miserrima, Phtisis Pulmonialis. Hinc pericardii, cordis quandoque ipsius maceratio, exsiccatio, corrosio solâ morte sedanda. Caveas otio vacare. Hic opus, hic labor. Putis minuenda est copia, imò tollenda omnino. Inde ægro salus, gloria medenti. Quâ arte hæc prestare possis attentè perpendendum. Frustra urinas promovendo; successum laxando, sodozes ciendo aut quamlibet catharsim præscribendo, absorbentium ope vasorum, duce naturâ conaberis abscessum discutere. Si quandoque natura, sæpissimè successu fallente, has tentaverit vias, non major huic fides habenda. Curatio sic incohatur, rarissimè perficitur. Summum adversus hunc morbum Terebri præsidium, imo omni alio si non commodius, præsentius saltem tutiusque affert remedium. Unicum in re Terebrum perforans, formâ multiplex. Optimum illud quocum salutem inferre potest Chirurgus. Supinè decumbenti, omnibus hinc & inde avulsis cruciatim exterioribus membranis, applicatur instrumentum in imâ Sterni parte & laxiori ad sinistram vergente, sicque vitatur mediastini quælibet læsio. Hæc sternum ossæ compage donatum spectant. Si vero cartilagineam indolem adhuc conservaverit, quod juvenibus huic morbo rarissimè obnoxius competit solummodo, celebranda erit

paracentesis, quam ut faciliorem tutioremque reddas, nucleo ab acu semipollice
distanti, armato utendum est Triquetro.

I V.

SANATIONEM à naturâ denegatam à Terebro expostula; irrita minus erunt
tua vota. In hoc spes conferenda. Præsentibus medetur incommodis, à futuris
liberat & tuetur. Nulla metuenda Metastasis ægris non raro funesta. In Cranii
contusionibus, fissuris, ictibus unicum remedium. Cur non eadem in Sterno præstaret?
ut contentas partes ab importunâ & lethali facies mole liberet. Mira à
Terebratione peractâ expectas? minimè falleris. Non prius celebratur hæc operatio,
quin illicò à se ipso diversus æger admiratione rapiatur, mireturque se curatum
esse. Eo enim instanti quo patet aditus puris expulsionis favens, integrâ frui vale-
tudine arbitratur. Ecquid mirum? Quæ nocent toras amandantur, quæ prolunt
administrantur. Omnia evanescent symptomata. Fugit horrenda effectuum cohors.
Anxietate liberatus æger, naturali atque desideratæ redditur tranquillitati. Facilem
habilemque respirationem quæris? Hanc prestabunt Terebra, causam anhelitus
difficilis fugant. Dolores mulcere tibi est animus? Stimulum infringunt. Labet
Diaphragma gravitate suâ levare, suisque motibus & functionibus exercendis
compos fieri? Perfora Sternum, gravitantem grassantemque materiem expelle,
& ulteriori occurre putredini. Experientiâ comprobatur quis negaret? Celebrâ-
runt antiqui miro cum successu. Ecce nobis denegaretur potestas? Nihil artem
apprimè callentibus impossibile. Nec tuos artus occupet timor, quidquid dicant
cujusdam sententiæ fautores, operationem rejicientes, quibus celebrari non posse
videtur absque Mediastini læsione. Errant graviter. Nullæ horum rationes. Excla-
ment Mediastinum in medio Sterni non insigere, & ad sinistram plus minusve
vagari, adeoque difficile admodum esse Terebra intra membranas propellere.
Huic præcavernus incommodo instrumenta ad sinistram Sterni partem applicando.
Quin ipsamet aberratio Mediastini nullius est difficultatis. Pus enim contentum,
frequenti respiratione compressum quoquoeversum fugere conatur, ibique suam
vim exercet ubi minor est resistentia. Proinde cum propellatur ad Sternum minus
resistens, cedentibus membranis huic affixis, has huc & illuc disjungit, separat,
avellit, sicque periosteum privatur Sternum, remanetque spatium operationi fa-
vens, nedum ulla sit extimescenda noxa. Sunt quos terret sanguiferorum vasorum
dilaceratio, vitandam si cum inferens hæmorrhagiam. Nos non latet Sterni mar-
gines lambere Arterias Mammarias. Verum ipsis est parcendum ope Coronæ
Terebri minori diametro donatæ. Insuper clamitant has quandoque jugum subire
& ramulos in medio serpentes protendere. His concessis, quod raro evenit,
minimè annihilanda est operatio. Hæmorrhagia si quæ sit, brevi finitura est, teque
egregiè peregrisse testis erit omnimoda morbi curatio.

V.

MORBI curationem solâ in Terebratione reponere, ignorantis est & teme-
rarii. In omnibus est modus quo sublati sunt propositum. Vana erit operatio,
cum pus adeo viscosum, pingue & crassum per patentes aditus expelli non poterit,
nisi detergentibus, incidentibus atque attenuantibus utaris injectionibus, quæ
fluidiorem liquidioremque matricem efficiant. Pejorem adhuc sortem tibi polli-
ceare, si tota sanies collecta, unicâ vice confertim exeat. Maximum imminet
periculum ne cum eâ avolent spiritus, juxta illud Hippocratis lect. 6. aph. 27.
qui, pus in Thorace colligunt, aut aquâ inter cutem laborant, si uruntur aut secantur,

us aut aqua conferim affluerit, omnino intereunt. Per vices itaque evacuanda est materies, adeo ut statim copiâ majori, dein minori, denique minimâ liberetur ager, quod indicant pulsus viriumque debilitas. His rite adhibitis rem perfecisse ne credas. Abstergentibus atque detergentibus reficiendæ membranæ importuno colluviei affluxu attritæ, emolliendæ sunt atque exsiccandæ. Arte factum vulnus, secundum artem curandum. Obmutescis? prudentiam, sagacitatemque requisitam miraris? Quid moror si cautè se gerere debeat Chirurgus, modo uiliter. Labefactam valetudinem restauret: infirmam corroboret; insensibilissimos præcaveat morbos Manuariam operationem ne repudies; nullâ arte aliâ morbum discuties. Difficilis via, non tamen minime terenda. Age semper, atque in mentem revoca, periculosus esse abscessu laborare, quam eum Triquetro aut terebris discutere & nobiscum concludere,

Ergo in abscessu Mediaſtini, celebranda Sterni Terebatio.

DOMINI DOCTORES DISPUTATURL

M. Carolus-Jacobus-Ludovicus
COQUEREAU, Serenissimi
Condæ Principis Medicus or-
dinarius, necnon Regis apud
Peditatum tum Gallicum, tum
extraneum Consiliarius Medi-
cus.

M. Franc. Mariæ LE MOINE.

M. Joannes-Augustinus COV-
TAYOZ.

M. Joannes-Baptista-Eugenia
DUMANGIN.

M. Thomas LEVACHER DE
LA FEUTRIE, antiquus Fa-
cultatis Decanus.

M. Bertrandus DUPUY.

M. Cleriadus VACHIER.

M. Petrus-Josephus MORISOT
DESLANDES.

M. Henricus-Michael MISSA,
Regii Medicorum Collegii
Nancianorum Socius hono-
rarius, antiquus Regis Exer-
citiûm in Germaniâ Medicus
ordinarius, Censor Regius,
Academiæ Catalaunensis So-
cius,

Proponebat Parisiis MATHÆUS GÉRAUD Claromontanus apud Arvernos,
Doctor Medicus Remensis, nec non Saluberrimæ Facultatis Medicinæ
Parisiensis Baccalaureus.

A. R. S. H. 1784.

AB OCTAVA AD MERIDIEM.

Typis QUILLAU, Universitatis & Facultatis Medicinæ Typographi. 1784.